

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 43. stav (6) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona”, broj: 25/24, 6/25 i 12/25), a u skladu sa Programom utroška budžetskih sredstava za 2025. godinu „Kapitalni transferi drugim nivoima vlasti“-Izvor 10, broj: 02-11-4958/25 od 14.03.2025. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 98. sjednici, održanoj 22.09.2025. godine, d o n o s i

O D L U K U

o odobravanju utroška budžetskih sredstava za 2025. godinu “Kapitalni transferi drugim nivoima vlasti“ - Izvor 10

Član 1. (Predmet)

(1) Odobrava se isplata sredstava za sufinansiranje kapitalnih projekata Općine Olovo za izvođenje hidrogeoloških istraživanja na području općine Olovo, po provedenom Javnom pozivu, u ukupnom iznosu od 200.000,00 KM (slovima: dvijestotinehiljada konvertibilnih maraka).

(2) Odobrena sredstva odnose se na realizaciju slijedećeg projekta:

Redni broj	Grad/Općina	Projekat	Opis poslova	Planirana sredstva/KM
1.	Općina Olovo	Projekat detaljnih hidrogeoloških istraživanja na području općine Olovo na lokaciji „Banja“ u cilju utvrđivanja termalnih voda u dubljim i dubokim zonama stijenskog masiva i mogućnosti njihove eksploatacije i korišćenja	Izvođenje detaljnih hidrogeoloških istraživanja na području općine Olovo	200.000,00

(3) Odobreni projekat realizovat će se u skladu sa zaključenim ugovorom nakon provedenih odgovarajućih postupaka javne nabavke od strane Općine Olovo, a sve u skladu i na način utvrđen Zakonom o javnim nabavkama BiH („Službeni glasnik BiH“ broj: 39/14, 59/22 i 50/24).

(4) U slučaju da je visina iznosa ukupnih nabavki iz člana. 1. stav (2) ove odluke veća od odobrenog iznosa, Općina Olovo preostali iznos finansira iz vlastitih sredstava.

(5) U slučaju da je visina ukupnih nabavki iz člana. 1. stav (2) ove odluke manja od odobrenog iznosa, za preostali neutrošeni iznos Općina Olovo izvršit će povrat sredstava na račun Zeničko-dobojskog kantona.

Član 2. (Ugovor o prenosu sredstava)

Ovlašćuje se ministar Ministarstva za poljoprivredu, šumarstvo i vodoprivredu da potpiše ugovor o prenosu sredstava sa Općinom Olovo, sa ciljem realizacije odobrenih sredstava iz člana 1. ove odluke.

Član 3.
(Analitička konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu ("Službene novine Zeničko-dobojskog kantona", broj: 25/24 i 12/25), u razdjelu 23, budžetska organizacija 01, potrošačka jedinica 0001, ekonomski kod 615100 NAD 409, pozicija "Kapitalni transferi drugim nivoima vlasti" - Izvor 10 u iznosu 200.000,00 KM (slovima: dvijestotinehiljada konvertibilnih maraka).

Član 4.
(Uplata sredstava)

Sredstva odobrena ovom odlukom će se uplatiti na transakcijski račun Općine Olovo.

Član 5.
(Provođenje Odluke)

Za provođenje ove odluke zadužuju se Ministarstvo za poljoprivredu, šumarstvo i vodoprivredu, Ministarstvo finansija i Općina Olovo, svako u okviru svoje nadležnosti.

Član 6.
(Izveštavanje)

(1) Općina Olovo dužna je izvijestiti Ministarstvo za poljoprivredu, šumarstvo i vodoprivredu o namjenskom utrošku sredstava, dostavljanjem kompletne dokumentacije o izvršenim nabavkama navedenim u članu 1. ove odluke (ugovori, privremene i konačna situacija, fakture i sl.) i dokazima o uplati sredstava dobavljačima.

(2) O utrošku sredstava Ministarstvo za poljoprivredu, šumarstvo i vodoprivredu je dužno polugodišnje izveštavati Vladu Zeničko-dobojskog kantona.

(3) U slučaju da se utvrdi nenamjenski utrošak sredstava poduzet će se zakonom predviđene mjere.

Član 7.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-17359/25
Datum, 22.09.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x Općina Olovo, putem Ministarstva,
1x „Službene novine Zeničko-dobojskog kantona“,
1x a/a.